

# PUESIE DI A FURMICULA

SONIA MORETTI



CANOPÉ DI CORSICA





Vuleria sprime ancu eo, in poche parole, tutta a puesia di u mondu  
cum'ella a sà fà cummare Furmicula !

Amparà à cuntà nantu à e dite per truvà una suluzione à tutti i penseri  
di chjuchi è grandi. Sapè parlà in modu simplice per esse più forte chè  
l'angosce di u seculu.

Pudè chjode l'ochji è fà sfilà i ricordi di a mo zitellina cun l'amichi  
spenserati quant'è mè ! A mo famiglia intornu à mè, i mo ghjoculi, sani o rotti ma cusì cari ...  
Amica Furmicula, m'ai fattu passà una stonda di nostalgia è di felicità.  
Scummettu ch'ùn seraghju micca solu à ditti :

*ti ringraziu d'avè discitatu u zitellu d'eri chì durmia in mè*

è dinù

*ti ringraziu d'esse una cumpagna cusì dolce per i zitelli d'oghje è di dumane.*

Tanti basgetti di

FRANCESCU ORLANDI,  
presidente di u Cunsiglu dipartimentale di Cismonte





# E PUESIE DI A FURMICULA

Autora  
SONIA MORETTI

Disegni  
ALEXANDRA MORETTI




# Sunta


A persona .....	p. 9
A cucina.....	p. 17
A scola.....	p. 23
Stagioni.....	p. 33
A natura, u fora .....	p. 39
Animali .....	p. 47
Parechje è diverse.....	p. 53





# A persona






10

◆ 1 ◆


A mo manu piglia  
E mo mane danu  
E mo bracce stringhjenu  
I mo pedi ballanu  
A mo bocca dice  
A mo bocca tace  
È lu ventu in la stretta  
Face rosse e mo merlette.



◆ 2 ◆

I mo ochji aperti  
Sò per vede ti o mà  
I mo ochji chjosi  
Per pudè ti sunnià.

◆ 3 ◆



Capu pensa  
Nasu sente  
Arechja dinù !!  
Ochju vede  
Inghjò, insù  
È sta puesia à mente  
A mo bocca, dilla tû !!

◆ 4 ◆

Unu lu mo nasu  
Dui li mo ochji  
È le dite di e mane  
Sin'à dece cunteranu.



◆ 5 ◆

A to bocca fà la parlà  
E to arechje fà le ascultà  
U to core di zitellu  
Lascia lu imaginà ...

◆ 6 ◆

Nasce in core  
Sbuccia à e labbre  
Fuirisce nant'à e merlette  
Eccu lu  
Fattu  
Quellu basgettlu...

◆ 7 ◆

Si piattanu daretu à e labbre  
si scoprenu quand'omu hè cumentu  
aghju capitu, sò i denti !!



◆ 8 ◆

Rossu cappellucciu  
Negru mantellone  
Bianca camisetta  
Grisgiu pantalone  
Tanti è tanti li colori  
Di vestiti è vistitoni.



◆ 9 ◆

Cappucci in capu  
È spalle sott'à li mantelli  
E mane in stacca  
Ma chì ventacciu o zitelli !

◆ 10 ◆

Manica à diritta  
Manica à manca  
Dui gesti  
Un riturnellu  
Aghju messu  
U mo mantellu.

◆11◆

Uh dia ! Sò cascatu  
Aiò chì mi sente  
Aiò chì mi lagnu  
O mà, custì metti l'unguento  
Iè, a ti prumettu  
Avà steraghju à sente !




◆12◆

Scamberoni  
Scarpucci di puppatula  
Baschette o botte alte  
Li si dice stifali  
Sandulette di mare  
Zocculi in caucciù  
Scarpi ci n'hè assai  
Ma dui pedi ai  
Micca di più !

◆13◆

Aghju amparatu à ligà  
I stragliieri d'i mo scarpi :  
Rebbiu doppiu ad allaccià ...  
Ùn hè mancu sfaticata  
Quandu ùn ete praticatu  
Di fà un nodu aggababatu !




◆14◆

U mo capu una barretta  
U mo corpu una maglietta  
E mo bracce un vestitone  
E mo anche un calzittone  
Un solu basgiu di mamma  
Veste lu mo core sanu.

# A cucina



◆16◆



Un piattone cupputu  
È ci mettu a farina  
Quantu mi ne ci vole ove  
À sbatte cù a furcina ?  
Un bichjere à misurà  
Pè zuccheru è cicculà  
Latte frescu cù butirru  
Cuchjerone gira à giri  
O pastizzu o biscottu  
T'infornu, ch'è tù scià cottu !

◆15◆

Furcina chì zinga  
Cuchjara ricuara  
Cultellu chì taglia  
A fetta è u pezzu  
È quellu più bellu  
U mi mangiju eiu !

◆17◆

Mai si deve minà  
Un zitellu  
Mai si deve minà  
Un catellu  
Mai si deve minà  
Un acellu  
Ma propiu per scucinà  
A pasta poi minà !



◆18◆

Furcina è cuchjara  
In lu to tirettu  
Cuchjara è furcina  
Inseme in cucina !

◆19◆

In cucina  
A farina  
Volt'è gira  
Cun butirru :  
Veni veni à ballà  
O signora cicculà !

◆20◆

In lu stampu  
Mette a pasta  
In lu fornu  
Mette u stampu  
È basta  
Eccu lu cottu  
Un bellu biscottu !

◆21◆

À tavulì !  
Dice mammà  
Manghja pulì  
Dice babbà  
Taglia cusì  
Dice mammò  
U pane hè qui  
Dice babbò  
È cosa vu' emu manghjà ?  
Pomi bulliti è baccalà !



20

◆22◆

Tastu paspu  
È assaghju  
Carne è pesciu  
Pane è casgiu  
Ma per piace  
À mè zitellu  
Date mi  
Un biscuttellu.

◆23◆

À Francesca l'assuppata  
Date una limunata  
À Matteu u famitu  
U stufatu è l'arrustitu  
À mammona una tisana  
À Saveriu a melingrana  
À Lisandra un cuchjatinu  
Di cicularia in cucina  
È per pasce u sognu, via !  
À tutti una puesia...

◆24◆

Latte caldu di a matina  
In la tazza fuma fuma  
Latte biancu è la so scuma  
Traccia cum'è d'una mina  
Sopr'à e mo labbre  
Un paghju di mustacci !



◆25◆

I pomidori in lu mo piattu  
Sò savuriti è sapientoni  
I è chì a sanu longa :  
A terra, u sole, a piossa  
I ventulelli birbi, e botte in caucciù  
I s'amichi legumi à tù per tù  
Figurate vi à pena tuttu ciò chì ci vole  
Per fà un pomudoru...  
E una ciriola ?



◆26◆

Dvie belle caspe d'uva  
Quantu n'anu grumbulelli  
U zitellu ùn la sà  
Manghja prima di cuntà...

◆27◆

Fraula  
Fraulettà  
Ti manghja  
Una risetta !



◆28◆

Dvie amiche chjasage  
Chì si danu a manu  
À zitella carina  
Rigalanu pendine...

◆29◆

Mela russiccia  
O puntichjata  
Suchju di sole  
Inzuccaratu  
Mela azzingata  
À la rambella  
Fà ti falà  
In issa curbellu !



◆30◆

Baracucca  
Hè matura  
Baracucca  
Hè sicura  
Di fnisce  
In cuffittura !

◆31◆


Nant'à e so fronde di castagnu  
Davant'à l'entre di u fornū  
Aspettanu freschi freschi  
Per esse mangjati i puvaracci  
È Quale sò ? Sò i migliacci !



◆32◆

Cusì bellu carminu incesu  
Cun legne pignotti è giornale  
Fora ci hè u tempurale  
U circondù l'hà intesu  
Torna più bellu lu focu  
Riscaldemu ci le mane  
Avà chì ghjungħje a fame  
Femu ci duie castagne !

# A scola



◆33◆

Cume possu fà  
Per sapè cuntà ?  
Cume possu fà  
Per sapè ballà ?  
Cume possu fà  
Per sapè cantà ?  
Ticchi ticchi  
Pianu pià  
Ci vole à sapè  
Amparà...

◆34◆

O maè  
Per piacè  
Una volta  
Dvie è trè  
Ripetimu  
Per sapè.

◆35◆

Un tavulone  
Per scrive  
Vucali  
Maiusculone  
Acelli puesia  
È moltiplicazione  
Un tavulone scrittu  
Hè longa a lezione  
Tutte isse lettere  
Femu le falà  
Nant'i nostri quaterni  
Pronti à ricuarà !



5

◆36◆

Dui vene dopu à unu  
È davanti trova à trè  
Ch'aspetta à numeru quattru  
È po cinque per fà bè  
Cù le dite d'una manu  
Feghja tu s'ella ùn hè vè...

2

1

◆37◆

Zitti zitti o zitè  
State bassi  
Per piacè  
Pianu pianu  
Ascoltate  
Hè ghjunta l'ora  
Di stà à sente  
Una fola...

4

◆38◆

Unu, duì  
Dece è centu  
Mi chì contu  
Nant'à e mo dite  
Numeri  
À l'infinitu...

3



◆39◆


Ci n'andemu à a cantina  
À mangjà pomi in pappina  
À pena di pesciu frittu  
O e paste o e fritte...  
Oghje o zitè ci campemu  
Cosa ci anu preparatu ?  
Crema cù a cicculata...

◆40◆

Currimu  
Saltemu  
Cantemu  
Ballemu  
Ridimu  
Mughjemu  
Parlemu  
Ghjuchemu  
Chì piacè  
Chì passiò  
A corte di recreaziò.

◆41◆

In lu mo saccu cosa ci hè ?  
Dui libroni per scrive bè  
Un quaternu di puesia  
Penne è incolla  
Appinza mina  
Ma ci hè dinò  
Per fà merenda  
Dui biscotti  
È una bivenda.



◆42◆

Quadriftattu  
Biancu  
Fugliutu  
È da tante lizzio  
Astutu  
Impumpunatu  
À pusesie  
Sà aghjustà  
È sà divide  
S'o l'apru  
Ùn hè mai in darnu  
U mo quaternu.



◆43◆

U mo stucciu  
Tene mine  
Tene penne  
Tene infine  
Una incolla  
Una riga  
È trisori ;  
Contr'à i sbagli  
Tene ancu  
A buttiglietta di biancu.

◆44◆

Tondu tondu lu ballò  
Quadrittatu lu quaternu  
Longu longu lu maghjò  
Frefu frefu u nostru inguernu  
Corta corta a puesia  
A dicerà qualchissia ?

◆45◆


Dì mi dì mi  
Dà mi dà mi  
Tè, à tè !  
Mì, mì, mì  
Zè, zè, zè !  
Aiò, aiò, alè !  
À vede ci  
O zitè !



◆46◆

Cù lu feltru verde  
Scrivu a parolla fronda  
Cù u feltru rossu  
Scrivu una mela rossa  
Cù u feltru negru  
Scrivu l'ale di u corbu  
È cù u mo feltru turchinu  
Scrivu u celu balaninu.





32

# Stagioni



◆ 47 ◆

Vaghjime hà fattu le pruviste  
Di noci è di fronde innurate  
Accende fucucci casani  
Pone u fungu à l'impruvista  
Vaghjime frà astre canzone  
Cunnoisce quella per fà piove  
Quandu u ventu hè prontu à move  
Parte, u so saccu à l'armone  
È carcu à culori è muscate  
Sparghje a so sinfunia  
Di mesi bracanati.



◆ 48 ◆

Per Vaghjime un mantellu  
Per i funghi u spurtellu  
Per u focu e castagne  
Per lu ventu e muntagne  
È per issa bella stagio  
Duie rime di canzò !

◆ 49 ◆

Piuvana ghjè l'acqua  
Pigliemu paracqua  
U sole in a stretta  
Surtimu spechjetti  
U ventu suffone  
Pocu mantellone !  
Neve à issa più bella  
À schì ci n'andemu !



◆50◆

Mughja mugħja

U ventu

Uuhh !

Ticchi tocchi

Piove

À ribocchi...

NEVE BIANCA

Ed ALTU SOLE

Facenu pocu rimore...

◆51◆

L'inguernata

Għej u carminu

Incesu

Dui passi

À meza neve

Un acellu

Alluppicatu in le so piume

Nant'un catarettu

Un arburone sfrundatu

Una cicculata calda

In la fazza di Francescu...



◆52◆

Veranu porta à l'annu  
E so sporte culurite  
Fiori è frittelle adduniti  
Sbucciate di centu rambelle  
Veranu bellu à lu purtellu  
Rifata è lu so ansciu hè d'oru  
Di sole lasciatu à l'albore  
Nant'à i soglii è le custere.  
Veranu ghjung'hje à tiru d'ale  
Cù a rundinella è cun l'apa  
È face nidu è face mele  
Face cantà u ghjornu  
Da sole sin'à stelle...

◆53◆

E rundinelle  
Traccianu  
In altu celu  
E stradelle  
Longhe, lebbie  
Vanu  
À tiru d'ale  
Guarda  
Guarda  
Sott'e so ale  
Ci hè u Veranu !



◆54◆

Campanile

Collu longu è fine

Nant'à a spalla

D'una chjesa natu...


Campanile

Chjerchju inzuccheratu

Għej-Pasqua

Cun duie ove

Chi t'hà incurunnu



◆55◆

Aprimu e finestre

I balconi sott'ā e tittelle

Spalanchemu e porte

U ventu entre è sorte

Ch'ellu venghi l'estate

À sole in lu scurzale

À fà ballà prufumi è ragi

Caldi dolci cum'è basgi.



◆56◆

Vaghjime pichja à lu purtellu  
Prestu una sciarpa o zitellu  
Inguernu punta a persiana  
Piglia un mantellu di lana  
Veranu ride à la ringhera  
Metti una maglia più legera  
Estate d'oru è d'ore insieme  
Un calzunettu è ci n'andemu !

◆57◆

Celu piove  
Nantu e cime  
Ti cunnoscu  
O vaghjime !  
Celu neva  
À la muntagna  
Sì l'inguernu  
Chi s'incagna !  
Celu luce  
À sole novu  
Għej-Veranu  
Chi l'hà trovu !  
Celu splende  
À le ricciate  
Cara !  
Hè ghjuntu l'estate !

A natura, u fora



◆58◆

L'arburi chì parlanu  
Anu una voce di ventu  
Anu una voce d'acellu  
Sanu i segreti di l'alba  
Quandu u sole hè sempre zitellu  
L'arburi chì parlanu  
Anu una memoria di nidi  
Cù li so canti veranili  
Tuttu hè tesoru à quale sente  
L'arburi amparanu à e ghjente.

◆59◆

- Chi t'hà dettu lu ventu ?  
- M'hà dettu u secretu di e fronde  
Chi t'hà dettu lu sole ?  
- M'hà dettu chì sò chjare l'onde  
Chi t'hà dettu a petra ?  
- M'hà dettu aspettava à mè  
È chì l'ai dettu tu ?  
- « Ti ringraziu » à tutt'è trè !



◆61◆

U sgiò Libecciu  
Per issi rampali  
Ghjoca à punta mi ti punta  
U sgiò sciloccu  
A so pilucca  
Hè di ciuffoni caldi caldi  
U sgiò Gregale  
Maistrale  
Vole trapanà e persiane  
Ma a più forte  
Hè Tramuntana !

◆60◆

Vogliu mandà  
Una lettera à u sole  
Mi hà datu u so indirizzu l'acellu :  
« U sgiò sole  
A traversa d'Altu Celu  
Ghjustu sopr'à Cursichella »...



◆62◆


Dumane  
Un mazzulu di fiori  
I più belli  
Di u pratu quassù  
I cuglieraghju per tè  
O mà  
Cerca  
Cerca  
In le so curolle  
U prufume di u sole...

◆64◆

Un pampasgiolu  
Chjarasgiolu  
In la campagna  
Verdicente  
Un pampasgiolu  
Dece è centu  
Rossu curpettu  
À nantu un pettu  
D'arba lucente !

◆63◆

Acqua fresca di l'acquagnu  
Acqua cala di lu bagnu  
Acqua di fume currente  
Acqua chjara di surgente  
Acqua di perle di bazza  
È per lu tè in la fazza  
Acqua fumente ci n'hè  
Torna à pena per piacè ?



◆66◆

Rosula  
Rosa rossa o gialla  
Ne sai prufumi tu  
Rosula bianca  
O arancina  
Nantu u rusulaghju quassù  
Sì a regina di i fiori  
Rosula di centu culori !

◆65◆

Induve hè  
U SILENZIU ?  
Daretu à a voce di mammona  
Induve hè  
U SOLE ?  
Sottu à a notte è so tendone  
Induve sò  
I VENTI ?  
In celu quassù quallà  
Ma...  
Mammona cessa di parlà  
Tendone notte si ne và  
Sò in pianu i venti à circandà  
Dumande ? Più micca per avà.



◆67◆

Ai la vista tù  
A stella chì luce u più ?  
Innò ch'aghju circatu  
Quella di luciore più chjucu  
In celu alluminatu ;  
L'aghju trova  
È l'aghju cunsulata...



◆68◆

Induve sì  
O pvesì ?  
Sò in cima à l'arburu  
Stuzzicata da lu ventu  
Sò à mezu à l'acque fresche  
Di a più alta surgente  
Sò in le mani d'Antone  
Chì tene quasi un acellucciu  
È sì l'acellu si ne và  
Ancu di più mi piace à stà...

◆70◆

Un fogliu biancu  
Per fà una casetta  
Dui acelli un buschettu  
Qualchi mela  
Un catarettu  
È postu ch'ellu ci hè un zitellu  
Demu li puru  
Un bellu spurtellu !  
E mele sò savurite...  
Mi chì u fogliu hè culuritu !

◆69◆

Capu inghjò  
Capu insù  
Fegħju  
U mondu in giru à mè  
Capu inghjò  
Capu insù  
Venenu centu perchè  
Perchè u sole quassù ?  
Perchè l'arba è lu ventu ?  
Chi l'acellu face « chjù » ?  
Chi l'acqua corre lucente ?  
« O ciù, o ciù, mi dice babbu  
Mi faci ghjunghje a pena in capu... »

◆ 71 ◆

Mille isse valli  
Cù li so spichjetti di nebbia  
O zitè  
Chi videranu poi ?  
Vedenu e fate  
Cù li so manganioli...


# Animali



◆72◆

Cume và madamicella vespa ?

- Và bè o sgiò scaravugliu  
Ma tamantu cunvugliu  
Ch'ellu ci oghje in l'urticellu  
Ognunu fughje, nimu s'arresta  
- Indè !! Hè ghjuntu Luicu  
Cù u so spurfellu !



◆73◆

Và,  
Vola  
Gira  
È volta  
Sott'una volta  
Di fiori appesi  
A ciriola !



◆74◆

Sò ghjunti sta mane  
Curazzati, luccicanti  
À passi chjuchi ma sempre avanti  
Ùn si scuragiscenu micca  
Pianu pianu è ticchi ticchi  
Għjunghjenu à l'appuntamentu  
I scaravugliu li à passu l'entu...

◆75◆

Una cirio/a  
Colla colla colla  
Nant' à la so traversa  
Di fronda luccicante  
Una cirio/a chjuca  
Nant'una fronda tamanta  
Una cirio/a rossa  
Hè lu ventu chì l'hà mossu  
Ma l'aghju fattu un invitu  
Avà ghjè nant'u mo ditu !



◆76◆

Apa, apa

Ebbè ...

L'apa hè travagliadora

Passa, vene, ricuara

L'apa in cuolle d'oru

Trova un locu è s'innamora

In passi è vene sott'u celu

Inventa u so chjassu di mele ...

◆77◆

Aghju una casetta à dossu

E ghjè cusì ch'o sò nata

Quale sò ?

A CUPPULATA !

◆78◆

Nant'à l'arburu quassù

Fegħja s'ellu ci hè l'acellu

Chi sà dì à chjù chjù chjù

I sogni di li zitelli...

Sott'à la petra quallà

Cerca lu buciartulò

Chi à dorme si ne stà

Cum'è sottu à un cuvertò...

Aspetta à Furmiculella

À cantu à lu catarettu

Un'arbiglia per cappellu

Hà da passà per la stretta...



◆79◆

A farfalla  
Balla balla  
In la so mandria legera  
D'aria ricamata à fiori  
  
A farfalla  
Cù le so belle manere  
Festighjegħja à terra è sole  
È cù a polvera lebbia di e so ale  
Spone bellezza quant'ella li pare !

◆80◆

Sbunuratu  
Lumacone  
Atteppa quellu murone  
Face mottu ciriola  
Colpu d'ala colla colla  
O cumpà, à viaghjà ?  
Site prestu discitatu...  
Saperete o cummà  
Chi à passu di lumaca  
Hè sempre un longu andà  
È per ghjunghje  
In cim' à u muru  
U più prestu  
Hè u più sicuru !



◆81◆

O vulpi  
 T'aghju vistu passà  
 In la machja  
 In la machja  
 Fiaruccia salvaticella  
 À l'aggattu lesta lesta  
 Ùn circà tantu, o vulpi  
 Qui ùn ci n'hè più gallì  
 Daretu à lu cateraghju  
 S'hè viotu lu pullinaghju.

◆82◆

Ghjattu guattu  
 Piattu, tè, un ghjummellu  
 Di lana, di filu, innò ?  
 Una palla, preferisci ?  
 Un tupucciu di cartò ?  
 Fegħja qui  
 In la scudella  
 U mo ghjattarellu mattu  
 Chi t'aspetta lu to latte !

◆83◆

Sò l'amicu  
 L'amicacciu  
 Di l'umucciu  
 È di l'umone  
 Per lu ghjocu  
 Per la caccia  
 Quante carezze  
 È sermoni  
 È o abbagħji  
 È salti  
 È tanti  
 Per dì chi ne sò cumentu  
 Sò l'amicu di li chjuchi  
 È po quellu di li grandi  
 Caniolu, ghjacarone  
 Canucciu incagnatu in casa  
 Sò l'amicu ch'è fu ai !

Parechje è diverse



◆84◆

Cù lu so tettu incalfatu  
Cù li so purtelli aperti  
Tante petre à fà merlette  
Ride a porta spalancata  
Un scalone per curpettu  
Urticellu in la brisacca  
Mirè cum'ella stà bè  
In paese quella casa.

◆85◆

Mamma dice à mè  
Ci vole à manghijà bè  
Mamma dice à mè  
Ci vole à pusà bè  
Mamma dice à mè  
Ci vole à amparà bè  
Ma ciò ch'ella dice  
Chì mi piace u più  
Hè « ti tengu caru o ciù... »

◆86◆

In punta di balcon  
Mamma mette i fiori  
In li so urticelli appesi  
Di plasticu è di tarricciu  
È segondu cume sò li mesi  
In caraccò o in pilliccia  
In punta di balcon avemu  
O un disertu o un giardinu !



◆88◆

« Mi sò svegliatu »

Dice Marcellu

Mi sò spartatu

Dice Micheli

Mi sò discitata

Dice Manuella

Mi sò arrizzatu

Dice u principellu

Mi sò aisata

Dice a damicella

E per compie la ghjurnata

Dicenu « mi sò chjinatu ».

◆87◆

Di quale ne sì ?

Babbu è mamma

Sò tercani

per privà mi di bombò

per mandà mi à stà in camara

È spengħje a televisiò,

Per caccià mi i mo gubbi

Per un sì o per un 'nò...

Di quale ne sò ?

Di monsieur è madama puniziò...



◆90◆

Una puppatu/ella  
Cù i so ochji tamanti  
Chì aprenu è chjodenu,  
È parenu diamanti  
Una zitella, cararella,  
A piglia è a chjina  
Dicendu : a mo cinina...

◆89◆

O mà  
Averaghju duie cose à dì ti  
Una hè chì vulerebbe un zuccaru in più  
In la mo cicculata  
È dui sai o mà  
Ti tengu caru !

◆91◆

Un minutu  
È po un'ora  
Una stonda  
Una segonda  
È viaghja  
Tutta in tondu  
À u ri/logiu  
Vagabondu.



◆93◆

Dumane

Pigliu u battellu

Vò sopr'à mare nostru

À fà viaghju meiu !

◆92◆

U neru u biancu

U biancu u neru

Pru fonda a notte

È chjaru chì spera

Fighjate ! Hè cusì bella

A nostra bandera !

◆94◆

À tiru d'ale

D'aviò

Mi ne vò

A scopre terre

Lochi è mondi

È quandu vulteraghju

Assai cunteraghju !



◆95◆

Nant' à issi parastasgi  
Libri novi è anziani  
Pigliati, sfuglittati  
Letti, è manighjati  
È po un antru  
Solu sulettu  
Di polvera hè  
A so barretta...



◆96◆

Ale ùn ne hè  
Ùn hè micca un avio  
Rotule ùn hè  
Ùn hè micca un vitturò  
À gallu ùn si stà  
Ùn hè micca un battellò  
È puru un libru o mà  
Face sempre viaghjà...

◆97◆

Dituccce dituccce  
Cun tanti culori  
À gesti vulendu  
Disegnu lu mondù :  
Africa turchina  
Bianca oceania  
Verde l'Europa  
È gialla l'America  
In rossu l'Asia  
Sia sia cum'ella sia  
A mo manuccia  
Tene in le so dite  
L'acellu culore  
Di lu mondù unitu !





Capiprugettù : GHJUVAN MICHELI WEBER

Sesta è impaginatura : EVELYNE LECA-FAURE

Imprimé en France

© CANOPÉ - CANOPÉ de CORSE - 2015

Dépôt légal : Novembre 2015


Directeur de la publication : Jean-Marc Merriaux

N° ISBN : 978 2 240 03 651 3

Achevé d'imprimer sur les presses  
de l'imprimerie Corlet



# PUESIE DI A FURMICULA



*Furmiculelle è furmiculone  
Appellamanu, fendu lu rondu  
In parole, puesie è canzone  
Contanu l'ore di u nostru mondù.*

